

後村先生大全集

六

後村先生大全集卷之一百二十三

啓

壬戌生日回啓

陳正言

襄陽耆舊之傳非僕所敢知汝南一旦之評待公而後定何哉本稿反寒之吏得此日光玉潔之文巨擘品題哀蹤焜煌恭惟某官以忠實自結于明主其文辭獨行乎中朝議論危言視建中諫議而無愧精筆妙墨與崇清次對而並驅哀芥在其毫端縉紳想其丰采難望之如嚴霜烈日然即之則霽月光風齒記未交寵嘉初度威譴不為虐閔憐垂暮之光陰嘻笑皆成文假設衆星之問答極翰墨家之能事華宸碩老之餘齡驪頤之寶易求麟筆之褒難得其數不三魚鮒繹十襲閱歲每誦茲予明農之言願退為於野老所引昔吾先正之事敬回施於明公耿耿之深云云則淺

癸亥生日回啓

徐常丞

僕稟蒲柳先零之質荏苒旋期君有松栢後凋之心記存初度燁然麗藻飾此朽林恭惟某官百鍊至剛

一毫不枉行藏大致彷彿古人太學養蠶久不違於韓子曲臺綿蕤莫能致者魯生署東坡先生之舊銜恍南州高士之遠志尚且不遺故舊曲盡殷勤貧賤之交獨叔知我比興之作惟商起予以錦心繡口之詞章為雪鬢霜髭之光寵某沐燕朗誦扁鵲藥方戶庭無雀之可羅忽應凡有虹之下閣投我碩果喻晚節之獨全移此瓣香為名流而迴向

諸士友詩

老夫耄及久已蒼蟠幼婦詞工過相粉黛恭惟某人雖偏交于名勝尤加厚于陳人昔入侍漢廷不能如得意之誦賦今罷歸魯邸迴肯從申公而受詩追琢新章寵光暮景我知希則貴矣安用浮名與人歌而和之難扳絕唱

諸士友詞

蓬矢四方志深感顏齡錦瑟五十絃忽聆雅奏恭惟某人貴名揭日高誼薄雲長吉古第憂苦吟而得者少游小石詞豈放濫之謂乎孱拙新腔光華暮齒願周郎曲惜無歌者之繞梁唱金剛經幸借老夫之拍板

方聽蛙

生九十曰耄素敬美于鄉先長五年叱肩尚接杖於
台黨經旬雅奏謫散始生恭惟某人德邵年高筆精
墨妙與省英會諸公序齒瞻之在前閱秀毗于萬頃
壓顛歸然殿後托朱絃之古調華雪鬢之陳人題紫
霄峯頂之召木應獨往尋烏石崗邊之路莫問幾迴

吳侍郎

光景幾何自嘆更生之垂老樂歌妙絕誤蒙季札之
知音宮羽鏗鏘亦達煨燿恭惟某官詞源倒峽老幹
參天頃適歷於繁官皆自結於明主是非褒貶之筆
凜鐵面而霜發嬉笑怒罵之文亦錦心而繡口直道
不容而何病文情久要而未忘當署門設雀羅之時
乃越邑致鵲飛之曲錦標過矣進寶將之某稽首拜
嘉惟懷錫惠一貧乃見文態永佩緼襟上裘不成報
章莫酬藻思

陳文卿

大塊以老使我荷明主之故歸小人不知紀年辱名
卿之記憶未忘舊好特製新腔恭惟某官文律咸韶
文情金石念兩家嬉戲俱為駢竹之兒及同社凋零
尚有戴花之老古調居然寡和顏齡賴以自強林密
山深可共訪釣遊之處家貧鄭富願時沾膏馥之餘

曹守司直

退士明農慙愧掛衣冠之晚故人作牧記存懸弧矢
之朝狂二千石之朱轡聆五十絃之錦瑟恭惟某官
朝之髦士家之象賢孔鯉過庭所聞得于尼父伯禽
治國之意本于周公興念陳人散福先契僕無原父
一揮之竿既覽宜休公有子建七步之才以文為戲
倚聲奏鄴臺之曲載酒訪于雲之居極其殷勤華此
衷朽勞以生使以老章百尺竿之下來熾而昌壽而
戒枯一辨香而迎向

教授

香山居士晚節自使餘齡廣文先生高歌俾華初度
興哉號領之寶至於雀羅之門恭惟某官文成一家
書破萬卷子雲思苦中年悔篆刻之詞太白才高餘
事及清平之調乘達煨燿詔漢鏗鐸侍馬季長之絳
紗惟恨莫陪于高第無張子平之青玉案何以報于
美人

判官

白髮三千丈不記始生鄉髮五十絃忽聆絕倡厚矣
殷勤之意華其哀佩之蹤恭惟某官氣欲凌雲又如
翻水慶郎從事當時有紅蓮幕之稱太白摘仙餘事

及沉香亭之作託新腔之幼耿為暮齒之寵光某盥
手捧觀惟懷感慨贈我琅玕錦段既溫匱而深藏借
君拍板門推姑逢場而作戲

曹官

癡頑老子不記始生後逸參軍忽貽絕倡厚矣歲勤
之意華其哀珮之齡恭惟某官英氣凌雲詞源倒峽
既生三詒清淡為風流之宗太白百篇餘事及清平
之調託新腔之幼耿下同判官

林通判

天將壽我鰥然享黃髮之期歲晚華予鏗爾奏朱紱
之曲交情無數初度有光恭惟某官雲霄之志素高
月旦之評尤熾興懷老吏嘗忝近匠山巨源啓事雖
多孰先恭叔衛將軍賓客皆去僅有任安固其違矢
之懸寵以香奩之作誦蜀客遊獵之賦莫以送以上
天尋洛英真率之盟願牽聯而入社

甲子生日

徐常丞

週年急景自筭表聖之宜休永歌長言尚記靈均之
初度探諸驪頤賁此崔羅恭惟某官養孟氏之浩然
識孔門之大者常命伯夷典禮直哉惟清子謂平仲

善交久而愈敬興懷遺老適屆始生援洛下之耆英
暨渭南之仙伯恐晚節浮沉之有悔每忠言從吏其
辭榮形為兩喜之詞字非三益之友某偶因目昔庶
辱聲詩被藻飾而厚顏佩祝規之盛意僕迫桑榆而
救失暮景何追公如松柏之有心歲寒迺見倡酬豈
敢鄙拙是漸

仙遊鄧宰

踰七望八之年吾衰也久矣駢四僂六之作胡為乎
來哉語妙琴堂先生節屋恭惟某官寬柔以擬嘻笑
成文老僕歸耕跡托於武城之宰君侯尚商加札于
絳輿之人以黃麻紫結之才情借白鬚蒼顏之光寵
某過煩貽翰曲軫垂弧召卓魯西令來歸何慚于昔
復潞蜀二公見擬殊匪其倫勉課蕪詞以酬藻思

吳侍郎

穎濱遺老自感慨其餘生洛下看英尚記存其初度
方乞閑身而掃軌忽傳遠使之及門語妙珠璣先生
孤矢恭惟某官進則鳳鳴于千仞退而龍卧者十年
某水某丘既歷訪釣遊之處大寒大暑未嘗出安樂
之窩興念陳人素叨未契音彈冠強起屢煩誦北山
之移今還笏徑歸復許入東林之社咏新腔之豪壯

覺衰態之激昂盡然交情厚矣珍貺檢點金閨考傳
晚節之後凋序字銅狄人指辨香而回衡中丹所
蘊副墨未殫

又

伏蒙某官軫記殘生挾稿如思以甘泉持索之老德
望素高于神武挂冠之人交情愈厚思勤至矣感慨
係之某拜手登嘉桐心知愧九老像傳而畫增價肯
着哀遲六丁力盡而山不前自嗟綿薄敢裁拙訥少
答謙摛

諸士友詩

飾巾待盡忘設門弧下筆有神忽絃廟瑟發天才之

光華恭惟某人曾蠅

千機之錦念其耄老獲五福一曰壽之言形諸咏歌
追一篇三致意之作披擣麗藻黼黻朽株若八音之
克諧錯陳瑩堊恐六丁之下取永閤巾箱輒課訥
辭少酬佳惠

諸友士詩

老將五云爾不記始生言不足歌之忽貽絕倡晚景
之榮甚矣歲寒之誼卓然恭惟某人思穿天心語破
鬼膽賈生賦妙離騷可與爭先耶客調高曲子豈能

縛柱盤筯雅奏煜耀顏齡蟠屈雄才入花間香奩之
體補張鉅典待楚房寶鼎之歌

曹子

西清遺老願受壓而之滕東則象賢肯避堂而舍蓋
袖珠璣之璀璨懸弧矢而罷光恭惟某官循良二漢
之風派賦詠七子之氣骨謂八十公病免已愧穆生
與二千石交通又非李白念梔面霜顛之衰朽出錦
心繡腸之緒餘駐小队於林間移行厨于竹裏載醪
鄭重素知次公之醒狂運甞空疎幸恕淵明之醉誤
所為感慨未易披陳

又

伏承貽翰俯記懸弧先生去歸其鄉自慚已晚大夫
有賜于士辱記始生盡出于使君之庖幾塞破書生
之屋名為例卷實則加蓬念其祝鯁饒之時亦云耄
矣與之共饔飧而食豈非賢哉謂諸侯無臣寓公之
文況長吏奉問高年之誥里閭健羨邦域傳誇雖微
清淨之言可裨曾相獨有臧昌之頃回嚮魯侯謹課訥
辭少抒謝臆

鄭倅

病叟休官自嘆光陰之垂老故交監郡肯分風月以

乞人託古調而倚聲覺頹齡之增氣恭惟某官清若金莖之承露皎如玉露之臨風師友磨礪家庭講貫高才闕決王得功康海沂餘事詩騷君房語妙天下屏榮重孤矢生光虛辱載驟未嘗識子雲之字不聞度曲安能和郢客之音感慨茲深染濡莫究

又

暮景引年甚矣一禿翁之髦歲寒念舊車我半刺史之賢凡厥蘊盼極其珍腆菲屋頌為之光寵水應倍有于破除靖惟日未顧耕之民固難方命輒復受美反錦之誼度免傷廉已勒別箋以酬隆施

林農卿

三益之友多聞允殷勤于久要兩喜之言溢美致光寵其始生渠恬新腔吹噓朽質恭惟某官停箸每形于天獎彩纓已峻于月聯易學精微探索于王弼鄭玄之外騷詞要眇頌頌于景差唐勒之間憐晚晚之光陰沾賸殘之膏馥某徒能朗誦良愧暗投賦綠野堂之詩敢煩屬和踐烏石崗之約儻肯相尋運費不二負荆以謝

趙工部

上同恭惟某官挺諸王孫之秀占甲科郎之先然恭

天祿閣中諸儒服其宿學看花元都觀裏同舍立於下風憐晚晚之光陰下同

方常壽

上同某官貴名揭日直幹參天造辟指陳易曰王臣寔寔與人交際于在鄉黨恂恂憐晚晚之光陰下同

林尚管

上同恭惟某官汝南之評甚美山陰之譜絕高士慕浮名癡守政事堂之筆公求遠次歸甚真率社之盟憐晚晚之光陰下同

趙循州

上同某官在尉佗郡有百年之愛子延陵相無半面之交著辨誣書烏有此事尋遂初賦實義我心憐晚晚之光陰下同

方侍丞

上同某官驚序久倍于羣芳鯉庭富有子異聞對玉座而昌言何其壯也視鐵庵之諫草是以似之憐晚晚之光陰下同

林知縣

上同某官才情麗藻機監清明民懷武城華父之經聲見稱賢尹上用乾道淳熙之典故將拜繁官憐晚

曉之光陰 下同

卓漳州

退老明農已拜神武門之疏故人作牧未寒真率社之盟樂拈新腔寵光初度恭惟某官成周髦士先率甲科避戈退飛以熙寧不容而去改弦入覲為開元有道少留謂津要之立登乃蕃宣之自說置孟水拔難本郡人皆曰清宮開竹枝柳桑弓山越復為赤子既備良之居最猶故舊之下遺典念哀陳素叨好雅昔陪幸老儒之後連照禁中今成一禿翁而歸華深戶外自不記桑弧之旦乃為鑑寶瑟之音某視蔭妻涼聞歌感慨無青玉案之作美贈難酬踐烏石岡之言相尋未晚輒抒拙訥以答殷勤

答卓漳州親書

老夫耄無能矣不記職生鄉人喜者好之特垂華問方謝親朋而掃軌忽驚軍將之打門即客調高君房語妙由胸中六家儿流之洞貫故筆端千變萬態而無窮發集孔多應酬不暇恭惟某官大庭前列華省望即入朝奏太史之書成出守得文公 討論閨邑為命使演綸視草以尤宜嘻笑怒罵成文雖據葉生曾而不廢記憶光陰之遲暮分張膏馥之賸殘

某眼眩花生心閑棄農已飭耜戕而亟拜復濡惡札而重陳安渤海之功高君且召矣營菟裘之計決吾將老焉

乙丑生日回啓

上寓

老夫耄矣自古無百年之期鄉人好之以愚有一日之長提摘麗燕粉飾願齡恭惟某官讀五車書織千機錦念此暮遲之光景託諸嘻笑之文章然某頃事先皇叨塵法從挂神武之衣冠雖久痛鼎湖之弓劍如新未釋沉憂都忘初度記存獨厚辭受兩難厥腰黃眼赤之勞反心卻掃愛玉白花紅之作拜手瑤藏

秘閣徐提刑

八十餘老自不記其始生三百五篇今寧無于古作門孤侈甚廟瑟憊然恭惟某官華省望郎外臺膺使與念布衣交之誼發為錦瑟段之章然某納履之顧雖階遺弓之痛未釋憊予初度非我敢知懷南豐一餅香之勤拜青州十從事之惠老夫無能耄矣愧還笏之已遲先生上壽時乎欲舉觴而未忍敬行拙訥少見銘藏

又

退藏已久歸田為負末之人記憶未忘越境則垂孤之旦顏齡榮甚高壇凜然某鋪楚澤公子之措醕飲醇醪而有愧飽錦里先生之夢更見碩果而失驚屬抱先皇弓劍之悲不勝老臣野麻之慕投李報政自憐賡稽之貧戴笠來車方羨繡衣之貴

蒲頌衛 專茂

展乎去何速自感慨于旄期受之欲其生辱罷絃其初度公雖好禮僕則懷慙恭惟某官雅愛甚清官情素薄進以禮退以義安知環戶之榮貧無端富無驕不改布衣之交象巷新貴獨念陳人碩果登梓猶帶寶篋感故人金石之意尺素遙臨抱先皇弓劍之悲左弧罷設廉可無取卻為不恭戴笠來車雖不同于出處受殮返璧莫少答於殷勤

曹守司直

行滕文公之政久託依棲問絳老人之年猥蒙禮致烹魚之書適至羅雀之居有光恭惟某官東吠象賢西京猶吏廟論微黃之意決甯民借寇之情深幸四輩之小遲念一翁之大耄駢羅臺觀光寵門弧公方奉孔廟之丘蓮僕追怡橋山之弓劍意雖勤于机鐘

食蘆思于下咽詩人投瓜報瓠莫酬嘉惠昔賢受黃反錦竊慕遺風

陳尚書

人布七十者餘生則迫于旄期詩有六義為傑作尚存于古意披瀝鴻筆光寵駢羅恭惟某官忠結人主之知文鼓天下之動百篇劉切傾側鯁言一字理嚴本原麟史雖易曰王臣蹇蹇然于在卿黨恂恂念此衰殘祝其壽蝦叨兩制則負乘過矣擬三賢特茲髮似之從耆英洛社之游未諧撰杖茹先帝鼎湖之痛莫挽遺弓朽木寒灰視蔭幾何明珠扶壁無脰而至每吹嘘于吾黨猶煖熟于此翁某自省情荒難振古勝朱弦三嘆忽聞清廟之音緹襲子重永作傳家之寶

李礼部

西清遺老勞侍從而掛冠南宮先生驅文詞而入筆交情無數初度有光恭惟某官運斤成風尚綱惡著駕湘中輶傳甫為登車攬轡之行歸汾曲田廬不改彈琴著書之樂念病叟光陰之晚晚分詞人膏馥之賸成不炙手於炎炙每垂情于寂寂某屬悲弓劍罷設桑蓬莫追逐而參翔翔第愛惜以為珍寶題唐詩

仙黃鶴未易續貂隨周柱史青牛或堪為馭

莆田仙遊兩宰

縣文公與許行處茲幸受慶晉大夫使終老年古尤
尚齒新腔幼彤華髮競榮恭惟某官有繁然文臨壯
哉縣萬口誦龍筋鳳髓之判片言折眾牙雀角之爭
減晉陽兩然之相執知尸繹至武成絃歌之室惟有
滄臺念此陳人託諸古調某屬悲弓劍罷設桑蓬自
憐反寒木橋之餘猶愛玉白花紅之作豈無青史大
書難止之祥未有雪兒低唱鸛飛之曲

兩教授

居士四休已栖遲于晚景廣文獨遲肯煖熟于陳人
自慚華皓之餘銀燭青黃之飾共惟某官文有古意
經為人師席下孰經但見門人之履滿樽中有酒不
知坐客之種寒偶成嘻笑之文章假寵路重之齒髮
何修而獲無德以堪某哀殘不記於桑蓬攀慕未忘
于弓劍白眉福送老莫報珍投絳妙惟授徒僮蒙私
淑

曹聯官

病翁耄及久矣退食幼歸詞工施諸哀朽過辱青黃
之飾足為華皓之榮恭惟某官果藝在政事科英妙

入文章藤至是邦聞其政異人之求問老人使之年
何齒之宿鏗鈞古調光寵顧齡某方深弓劍之悲無
復桑蓬之志豈煩墨客揮綵筆而永歌未有雪兒和
紅牙而低唱

後村先生大全集卷之百二十四

啓

丙寅生日回啓

陳尚書

伏承揮翰俯記垂孤專悻剝啄而叩門緡禮便蕃而塞屋年瀕晚暮安于山林臯壤自娛誼薄雲天不以寒暑燥濕改度垂情至此無德堪之恭惟某官立朝則烈日嚴霜接人則光風霽月興懷病叟同事先皇昔韶奏鳳來俱聆于廣樂今鼎成龍去同抱于遺弓憐其景迫于桑榆祝以壽俾于穉穉永叔議老不知退僕願銘膺獻可云事尚可為公宜努力

林中書

僕小家數光陰矧迫于暮遲公大宗師膏馥許沾於殘臘色絲好妙華髮艷榮恭惟某官足踰天梯手織雲錦小則千詩百賦大而九制三麻羽獵以前爭誦子雲之少作玉局而後始見披仙之大全偏履清華不遺此舊金口辱為之善頌白頭反似于新知急景凋年八袞差矜于孤矢華星秋月兩篇永闕于巾箱

林農卿

范叔舊緇袍交情未改秦郎小石調初度有光自顧

冠殘曷堪拂拭共惟某官眼空四海氣蓋諸公先朝聞籍甚之名同社伏飄然之思當年應制高才奪宮錦之袍餘事填詞古調奏雲和之聲出嚙枯之妙語華垂暮之顏齡故鄉憐老鶴之歸懷其有感貧舍之春鷩之轉持此安施

徐提刑

病叟衰殘有子房赤松之興故人綰綬遺武公綠竹之詩逸思飄然閑投過矣恭惟某官至剛至大有勇有仁按發之威動振山岳平反之念對越穹蒼方奉行楮幣之新書乃記憶布衣之舊好作為善頌假寵賴齡曾謂遐闊尚煩煖熟某已挂神武衣冠而云未忘橋山弓劍之哀瑟分個分宜有文章之可述善矣善矣如聞韶武之遺音

卓刑部

林下山間方安一坵壑之趣却邊沙外忽貽千秋歲之詞寶瑟鏗然柔弧罷甚共惟某官然藜名勝剖竹循良上方嘉唐邑得永之祥朝未行渤海罷兵之賞非若淺夫有幾微見面惟于故人相爾汝忘形憐晚暮之光陰分賸殘之膏馥金縷唱紅牙拍虛辱新腔毛雉充鐵硯穿難賡逸韻

趙工部

甚矣吾哀矣忘設門孤言之永歌之忽絃廟瑟憐其
皓白歸以青黃恭惟某官丹桂高攀青雲潤步同時
文館惟一更生千古詩壇有兩工部言念山中之執
友僅存圯上之老人憐此偉詩華其晚節召李太白
進清平調行登子於寶床陪博大士唱金剛經願惜
余之拍板

林大博

晚節末路忝陪洛下之後塵永歌長言忽奏鄂中之
古調其榮甚矣何德堪之共惟某官國之後良士者
師表韓退之作進學解招之使前晏平仲善與人交
以而愈敬憐半垂之白髮分絕妙之色然味莊生操
樹之言僕幸逃于天伐和漢帝相梁之製君盍蓮于
清華

權郡

村翁初度素無麟紱之祥地主親臨忽有驪珠之贈
新腔叶律暮齒生光共惟某官清苦不壺政如玉樹
先皇之所新策諸老莫不知名偏壘局才未足展治
中之逸足大賢為政不必分刺史之真符每設醴以
待
携生亦屏騎而過黃憲扶藜鹿藿披拂朽株材思已

衰安敢和鄂中之曲風深甚美尚能續沂海之歌

又

某倦近故栖老達初度無桑達壯志有弓劍餘哀敢
圖地主之仁賢深念山翁之耄耄勝歲問勞寄佳匪
盼顧仍質安知龜鶴之年犯先賢燕取熊魚之戒擇
而辭受甚矣銘藏苟令熏衣願弓筆端之膳饌虛數
權教懷陪物外之勝遊

李禮部

廢蓼我之耄老尚慕親保孺櫟之年公真愛我贈錦
心勝腸之作為霜顛扼面之榮恭惟某官繁然有文
翬子似道弱水三萬里迢迢于羣仙苦縣五千言傳
授子始祖念陳人之暮齒按樂府之新腔會天津橋
踐西洛耆英之約尋烏石路誦半山老子之詩第恐
瘵殘難振壽馬

趙梅州

吾年耄矣辭何索而乞身君思飄然倚玉簫而度曲
不圖暮齒辱贈新腔恭惟某官瞻桂高攀虎符符到
詞章爾雅諧樂府之六律五音倫類貫通知漢宮之
千門萬戶乃強古瑟以責左狐恭陪洛下之游敢云
齒宿欽和鄂中之倡自愧才衰

鄭太社

僕瀕耄耄都忘熊夢之祥君富才情為製鵲飛之曲
不國俾耳忽聽新腔恭惟某官虎榜名高鵬行譽蚤
宇種杞菊為南里之叢人不把蒲萄博京州之刺史
顧如遺老舊客元振念其景迫于桑榆祝以壽俾于
檇櫟蓬矢四方之志寧復壯圖朱弦三嘆之音尚含
古意

林安溪

余學無成冉冉至老君詩多態豐豐迫人自慚皓白
之餘忽被青黃之飾恭惟某官鑄出奇偉掃空萬陳
奧自子雲相如以來賦筆幾絕孰謂少陵謫仙之元
詩壇遂荒故生若人將付此事觀其質樸庵桑蓬之
作借以發子寮翰墨之豪鶴瘦龜飢朽質難希于上
壽鳳儀麟獲高才必瑞于明時

陳宰憫

漢廷視草之人嚴承明而請老河陽種花之令歌樂
府而華予冷然古音榮甚初度恭惟某官書囊無底
吟筆有神卧元龍之樓素挾豪氣至言偃之室惟聞
絃聲分天孫織錦之章華野史垂孤之旦扈蹕第甘
泉之頌莫扳附于從官聯袂和魯山之歌原率先于

耆老

蕭教授起大韓山長伯高

維摩居士老病坐感歲事廣文先生高歌聲滿天地
其榮至此何德堪之恭惟某官腹野五車筆扛九鼎
盡早給尚方之禮云何采泮水之芹持夫子之席間
並進四科之高第期老人于圯上非為一卷之素書
奏雲和太古之音華靈均初度之旦雖田光納履久
已作于閨人蹤鄭老無禮所願陪于下客

職曹官

一丸翁耄及父矣引年三語採才高為之度曲自慙
垂暮良膏噴枯恭惟某官承露金莖臨風玉樹隨肩
而入孰如我之賢勞直道而行不計公之喜怒言念
老生之初度俾沾才子之殘膏忽聆三嘆之音偶馬
寮和欲效七哀之報織不成章

王縣丞得三

余髮種種忘麟紱之祥君思飄飄有驪珠之贈自慚
踏風不稱揄揚恭惟某官有足天才補以學力章騰
鵬為見知當路之諸公書訪雀羅加禮受靈之一老
峰然虎藟責此朽株急景凋年懶陳于弧矢華星秋
月永闕于巾箱

張監珍邦洵

上同恭惟某官筆幹千鈞胃蟠萬卷興公之賦鄉地
有聲文昌之詩如雲多態言念老生之初度俾沾才
子之殘膏忽聆三嘆之音倡焉寡和欲效七哀之報
織不成章

方山長至

落日沒山西吾生休矣涼風起天末子意如何投贈
新章麗光初度伏惟某官高攀月桂薄采泮芹侍天
子之席間進生徒而私淑拜德光于床下為耆舊而
執謙念陳人蒼顏白髮之餘分才子黃絹色然之制
週年急景屏孤矢而勿垂秋月華星寶巾箱而永閱

楊縣丞思謙

年崖老尚書忽忽忘初生之日平元佳公子洋洋聞
正始之音恭惟某官漢關西名家唐靖恭舊諧暫為假
令河陽之花盛開見謂文丞藍田之私對植願如英
妙尤萬交游念其晚暮之年贈以陽春之曲空煩墨
客按金縷之新聲未有雪兒拍紅牙而低唱

士友

老夫耄矣如焦穀之枯鄉人好之有靈待之作古音
要妙暮齒競榮恭惟某官志抗雲霄許高月且無友

弗如己者雖泛愛而親仁善諂不為虐今或以文而
為戲贈以邦中之絕倡擬之洛下之耆英自顧衰頹
不堪拂拭譏秦少游入小石調子豈況潑手陪傳大
士唱金剛經吾將逃儒矣

卓刑部

僕侵尋大耋慕華陽真逸之風光倡率羣賢開洛社
耆英之會固已有不貲之破費乃復叨甚腆之匪貺
雖被高情寔包厚愧敬以璧返均之銘藏得虎心灰
不記覆蕉之殘夢吸鯨量減浪云逢麴而派涎姑削
牘以稟訓別貞荆而推謝

諸友醺飲

一老乞骸久挂冠而還里諸賢尚齒欲載酒而過門
聯壁招邀剝臠愧悚析枝長者式昭遜悌之心先酌
鄉人敢曰斯須之敬

田黃教授

家溫身寵退臣莫報于國恩凡事肩隨舊友未忘于
交誼宜最追攀于先進若然獎借于晚生恭惟某官
齒宿而意斯年高而德邵叔度汪汪之量華胄相望
武公抑抑之時旣期不亂念其昔叨未契今亦暮齡
雖才不才之爾殊然老吾老以相及見鄉人長者則

拜沈辱珍投誦唐文先生之歌難酬絕唱

丁卯生日

林中書

短檠棄擲僕烏親青藜杖之光老筆森嚴公占斷紫
薇花之樣托錦心繡腸之作為禿眉黃髮之榮恭惟
某官聞正始音識閑雅亂文則史質則野衆作皆然
齒之宿意之新一人而已既怡大宗師之全體亦工
小石調之新腔慷慨高情光華初度某久拋書案未
減藥囊方若昏花望金篋之列膜恨無妙麗倚玉蕭
而成聲

陳提刑

挂衣冠于神武力請還山立繡斧于雲霄未忘同舍
托梁府新腔之妙為野人初度之榮恭惟某官粉省
望郎蘭臺良史吟玄妙觀並遊各看于花尾甘泉
宮大半已持于荷橐雖近辭于禁密猶遠有于光華
嘉其保晚節之香示以禮高年之惠某情懷牢落瞻
視昏花墨妙筆精自可供清平之調曲高和寡若為
庸幼耿之音

鄉守趙計院

皇覽揆予初度自感餘齡諸侯不臣寓公力行古道

贈以陽春之曲賁其晚暮之年恭惟某官瞰轍冰清
巖巖壁立五慙崇訟少振薤才高喬陵之行杜子美為
之起畏南山之判蘇味道見之必羞渠括金石之音
輝華孤矢之旦某堆懷銘惠稽首拜嘉歌益郡之中
和素非才子誦魯侯之燕喜殊風人

趙倅

僕老於劉子政不記始生君賢如趙德麟為歌古調
秦蓬煨燼官羽協諧恭惟某官妙吐天葩高攀月桂
漢京士子相推舉太學之幡唐朝公卿爭傳誦阿房
之賦躬行水利永障清瀾客至水廳但談風月每念
垂車之叟今為負耒之氓托錦心綉腸之辭假梳面
霜顛之寵某自憐憐老慨然發于秋懷所願秦郎移
此施之春帖

林農卿

檮櫟無用章天爵之偶逃松柏有心于歲寒而乃見
假黃絹色然之作為蒼顏白髮之榮恭惟某官館殿
名流山林特起昔鵲來太液曾廣應制之歌今龍去
鼎湖空抱遺弓之泣尚念同時之髦士今為謝事之
禿翁奏郢中而榆揚率洛英而存問兒童驚喜里社
傳誇某自顧尪殘曷堪提獎目有赤青全拋掃絮之

書家無蜂唇空負繞梁之曲

車刑部

上同恭惟某官以黃甲名流居紫陽補處以仁政代暴政不數告以取魚視畬民如省民爭解刀而佩犢渤海之璽書甫下中山之謗篋已興有歌詠發乎性情無幾微見于言面古調鏗鉤于郢曲高軒領袖於洛英某自顧彫殘下同

趙梅州

上同恭惟某官卓犖不羣勞謙自牧石門泉濁不能易夷齊之心長樂瘴清亦既奏中和之最方擁旌旗于新府未忘車笠之舊交贈我好歌華其初度某自有赤青下同

趙工部

上同恭惟某官甲殿上之傳臚紹山中之文印條冰若杜子美掃空萬古之詩人太乙照剗更生引領同時之學士念中公八十餘之老製秦郎千秋歲之詞金石鏘然桑蓬榮甚某目有赤青下同

林尚管

上同恭惟某官通務之儒識時之傑機雲不作久無競爽之才蘊藻以來復見二難之懿航艤弗容于細

德殷勤如惠於談交陳括宮商龍光孤天某目有赤青下同

莊省門

上同恭惟某官家學傳衣世科捨芥義方孝謹藻蔚先生之嫡孫詩律森嚴懸慶老子之宅相謂立登於要路忽勇退于急流陳括古音光華初度念此翁之晚歲與吾父以齊年某自顧彫殘下同

李書監

上同恭惟某官漢甲科郎周譽髦士四庫書之付典掌六館生有所師承始從烏大夫之招壺如溫造不負衛將軍而去獨有任安陳括宮商龍光孤矢某目有赤青下同

南綱林倅

上同恭惟某官用世才周康時忘廣雙溪監郡未免斷而小之萬里建侯會當圖其大者念陳人之初度製樂府之新聲某自顧彫殘下同

邵武林倅

上同恭惟某官科第摘髡功名唾手書上光範蒙夾袂之知舟近蓬萊忍引航而去暫作棖川之通守未忘洛社之陳人陳括宮商龍光孤矢某目有赤青下同

徐提舉

大士無障礙未回瞻漢之昏花使臣有光華尚記亮翁之衰朽贈以驪珠之作過於麟紱之榮恭惟某官今之名流古之遺直雖冰霜勁節屢覺瞻仰輪攬譽之威然金石交情初不隔乘車戴笠之勢灑翰示綈袍之意遺詩賁孤矢之期某目顧危殘曷堪提獎欲焚筆硯難賡郢客之古音永閔巾箱留作鄴侯之家寶

方秘書

維摩病居士志運矢之紀祥世南行秘書倚玉蕭而度曲高情繼絕朽質光華恭惟某官氣欲凌雲文如翻水告于爾后屢對賈生于席前用之鄉人肯拜德公于床下遂令俚耳獲聽古音某久廢燈窓尚親湯液傳玉函之訣莫洗昏花歌金縷之詞恨無妙麗黃師機林安溪

求玉杵四數刮膜之無方唱金縷衣忽倚簫而度曲協諧律呂蜚耀桑蓬恭惟某官粲然有文朗乎似道俗間火食語一洗哇淫天上步虛詞罕矜矜幼妙念病翁之華髮贈才子之色絲加厚久要有光初度某譬遠月鵲因難擇水而棲無嚮春鶯空負遠梁之曲

戊辰生日四啓

回徐提舉

生也有涯素安定分壽則多辱飽閱文情別相逢車笠之時猶未忘孤矢之旦事真創見感不容聲恭惟某官古典刑人今文章伯自漢大農平準之後善沾紅萼之蓋藏及暴公子直指以來重識繡衣之風采絕強宗以安善弱薦健吏以勸事功不圖濟南老生九哀之翁曾是冀州刺史故人之舊餉山濤常火知欲者之不多袁范叔一寒有故交之餘總蟠屈烈日嚴霜之操披擣華星秋月之章某受則傷廉辭則方命捧書函拜驚雙明珠之暗投倒素冥搜枯一瓣香而回向

鄉守趙計院

人生百歲端如過隙之白駒我瞻四方僅有遂鄉之黃鵠感君侯之善頌動豪吏之喜心擊斨材璽報瓊禮闕恭惟某官笑談霏屑咳唾成珠君苗諸士衡文生欲焚其惡札味近見審言判死猶帶子羞容似憐濟南之老生遠引淇澳之君子觀鄉意古尚齒義高某暫設門私承為家寶豈無愛客舊雨去而不來深恐偷兒半夜負之而走

江序

上同動蒙史之喜心恭惟某官以簡易得民心以安靜為政體與從闕夾洗清俗吏之簿書時與賓朋管頤水廳之風月憐才古意下同

林中書

皇撥初度莫報親的人美父生不知老至拔摘鴻筆光寵在羅恭惟某官文色化工學到聖處仲舒最宜詞振然綸成一家之言應氏三入承明麻卷似六經之體追唐元白較宋汪恭若歲釋苦里蒙縣人之書尤契合漢文實太后之意及穆陵髯絕遼海鶴歸似憐絳老之哀許入洛英之會托牙絰之古調祝銅狄之高年某自顧衰癯難扳名勝水校問道難酬平子錦綉段之章虹氣亘天永作未家書畫船之寶

林農卿

上同不知老至厚矣金石交之好贈之錦綉段之章恭惟某官承絕學之傳得光天之妙始奇陸生新語今說詩書及覽枚叔奏篇尤稱賦頌青雲失脚白首袖身以憐絳老之哀許入洛英之會托牙絰之古調祝銅狄之高年某自顧衰癯難扳名勝戶外客履豈無跼然之音帳中論衡恐有負之而走

卓刑部

上同恭惟某官華省望郎御屏賢牧摩安高先生喬本皆已成陰封植朱文公甘棠至今勿翦其治為七閩之冠雖去有百年之思似憐終老之哀許入洛英之會下同

趙工部

上同恭惟某官擅江夏無雙壓杜牧第五紹更生誦習類下青藜畏臣甫蹉跎久紆朱綬昔與乃翁同隊今觀吾子二毛似憐絳老之哀下同

方秘書

上同恭惟某官至音自協官商妙語不煩繩削早陪正觀學士登蓬萊山中若開元翰林對金鑾殿眾皆非其類而狎其謫公孟嘉于酒而聖于詩似憐絳老之哀下同

李書監

上同恭惟某官擅江夏無雙亞杜牧第五一鳴遂為諸儒之倡小却猶掌四庫之書使之路泣多岐可登梯而上矣惟其壁立萬仞迥拂袖而去之似憐絳老之哀下同

蒲頌衡